

Tihić mora prestati sa neprilikladnim uplitanjem u imenovanja državnih službenika

Visoki predstavnik Paddy Ashdown danas je poslao pismo članu Predsjedništva BiH Sulejmanu Tihiću, jasno iskazujući zabrinutost zbog nedavnih izjava koje je medijima davao gospodin Tihić, a koje izgleda imaju namjeru da se izvrši politički uticaj na ključne pozicije u državnoj službi u strukturama sigurnosti u BiH.

Najskoriji komentari gospodina Tihića se odnose na imenovanja u SIPA-i i Državnoj graničnoj službi. Prošle godine je gospodin Tihić pokušao izvršiti politički uticaj na imenovanja sudija i tužilaca.

U pismu, visoki predstavnik podsjeća gospodina Tihića da "imenovanja u državnoj službi, a posebno u danima kada je svijet zaokupljen ratom protiv terorizma, imenovanja u strukturama sigurnosti se moraju izvršiti bez političkog uticaja." Dodao je da je uplitanje političara u imenovanja u policiji i sigurnosnim strukturama u potpunom neskladu sa evropskom praksom.

"Vrijeme u kojem su se političari uplitali u imenovanja u policiji i sigurnosnim strukturama pripada komunizmu i prošlosti, i u potpunom je neskladu sa Evropom i budućnošću," rekao je visoki predstavnik.

Jasno je propisano zakonom da se pozicije u državnoj službi popunjavaju na osnovu sposobnosti, imajući u vidu sveukupni etnički balans, a ne na osnovu nacionalne pripadnosti imajući u vidu sposobnosti.

Visoki predstavnik je rekao da bi Predsjedništvo BiH može imati legitimnu ulogu po ovim pitanjima. Naglasio je da Predsjedništvo BiH ima pravo da pruži savjet po ovim pitanjima, ali ne da daje instrukcije. Imenovanja šefova policijskih tijela su u nadležnosti Vijeća ministara.

Visoki predstavnik je izrazio iskrenu nadu da će lokalni organi vlasti sada riješiti pitanje direktora DGS-a u skladu sa zakonom. Upozorio je da: "ukoliko oni koji su dio ovog procesa ne budu mogli konstruktivno sarađivati na rješavanju ovog imenovanja, to ću onda morati riješiti ja." Takva odluka će biti zasnovana na kvalifikacijama, a ne na nacionalnoj pripadnosti, dodao je.

"Značaj ove funkcije za buduću sigurnosnu situaciju ove zemlje, za međunarodni ugled BiH u borbi protiv terorizma i za mogućnost da Evropa ozbiljno shvati naše napore je preveli da bi se dozvolilo da ona postane moneta za potkusurivanje u političkoj borbi."